

## **ԳԵՐԸ. Տ. ՀՈՒՍԻԿ ԱՐՔԵԴՍ. ՍԱՆԹՈՒՐՅԱՆԻ ՔԱՎԱՆԱՅԱԿԱՆ ՁԵՌՆԱԴՐՈՒԹՅԱՆ 45-ԱՄՅԱԿԸ ՆՇՎԵՅ ԱՄՆ ԱՐԵՎՄՏՅԱՆ ԹԵՄՈՒՄ**

ԱՄՆ հայոց Արևմտյան թեմի բարեխնամ առաջնորդ Գերշ. Տ. Վաչն արքեպս. Հովսեփյանի հրավերով, հյուրաբար Արևմտյան թեմ այցելեց Մայր Աթոռ Ս. Էջմիածնի նախկին լուսարարապետ Գերշ. Տ. Հուսիկ արքեպս. Սանթուրյանը:

Բարձրաստիճան հյուր հոգևորականը Լոս Անջելես ժամանեց 2001 թ. նոյեմբերի 21-ին և, թեմակալ առաջնորդ Սրբազան Հոր հրավերով, ուրբաթ և շաբաթ օրերին, նոյեմբերի 23-ին և 24-ին, մասնակցեց Հայց. Եկեղեցվո Երիտասարդաց Կազմակերպության փարեկան համագումարին, որը փեղի ունեցավ Գոսթա Մեսայի Ս. Աստվածածին եկեղեցում:

Կիրակի օրը, նոյեմբերի 25-ին, հյուր հոգևորականը առաջնորդ Սրբազան Հոր հրավերով պատարագեց և քարոզ խոսեց Գոսթա Մեսայի Ս. Աստվածածին եկեղեցում: Քարոզից առաջ առաջնորդ Սրբազան Հայրը հավաքացյալներին ներկայացրեց պատարագիչ Սրբազան Հորը, ով այսքան երկար փարիներ ամենայն խղճմտությամբ ու նվիրումով ծառայել է Հայոց Եկեղեցուն:

Գերշ. Տ. Հուսիկ արքեպս. Սանթուրյանը մի քանի անգամ այցելեց Առաջնորդարան, մրերմիկ զրույց ունեցավ առաջնորդ Սրբազան Հոր հետ և ծանոթացավ Առաջնորդարանի աշխատակազմին ու նրանց առօրյա աշխատանքներին:

Առաջնորդ Հոր հրավերով Հուսիկ Սրբազանը կիրակի օրը, դեկտեմբերի 2-ին, Ս. Պատարագ մատուցեց և քարոզ խոսեց Վեն Նայսի Ս. Պետրոս եկեղեցում: Եկեղեցու հոգևոր հովիվը՝ Արժ. Տ. Ծնորիք քնն. Տեմիրճյանը, հավաքացյալներին ներկայացրեց Մայր Աթոռ Ս. Էջմիածնի երիցագույն միաբան Գերշ. Տ. Հուսիկ արքեպս. Սանթուրյանին և խոսեց Սրբազան Հոր կարարած երկարամյա նվիրյալ ծառայությունների մասին: Հյուր հոգևորականը ոգևորիչ քարոզ խոսեց և հուսալից փեղեկություններ հաղորդեց Մայր Հայրենիքից:

Բարձրաստիճան հյուր հոգևորականն իր խորին շնորհակալությունը հայտնեց առաջնորդ Սրբազան Հորը՝ ի պատիվ իրեն փրկած այս ճաշի և իր ձեռնադրության 45-ամյակի նշման առթիվ, ինչպես նաև իր այցելության ընթացքում Սրբազան Հոր կողմից արժանացած բարձր ուշադրության և հյուրընկալության համար:

Գերշ. Տ. Հուսիկ արքեպս. Սանթուրյանը երեքշաբթի օրը, դեկտեմբերի 4-ին, վերադարձավ Մայր Աթոռ Ս. Էջմիածին:

**ԱՄՆ ՀԱՅՈՑ ԱՐԵՎՄՏՅԱՆ ԹԵՄԻ ԱՌԱՋՆՈՐԴԱՐԱՆԻ  
ԴԻՎԱՆԻ ՀԱՂՈՐԴԱԳՐՈՒԹՅԱՆ ՀԱՄԱՁԱՅՆ**